

A *rubá***A** *ntaño*

Cada pida barranca, cada costa, y cada edificio construi den e tempo di antaño, ta representa nos historia y e antaño di Aruba. E distrito di Noord tabata esun mas grandi di bo por bisa di Aruba, ya cu na 1904 e tabata solamente uno. For di dje a sali varios otro distrito, ora cu cinco aña despues (1949) Paradera a bira e di seis parokia di Aruba. Na aña 1957 algun famia di Tanki Leendert a muda pa Playa y e linea di particion entre Noord y Playa ta bira e linea di Ponton pa Hato. E comunidad di Noord unda semper su hendenan sa di mira tambe pa trece den conocimiento no solamente di su habitantenan sino di henter e poblacion arubano, publicacion di un buki conmemorativo di nan parokia cudatos for di 1777 te cu 1979. Y di aki nan nos ta y sigi cu e kapel di Alto Vista. E prome kapel cu e devotonan a yega na conoce riba Aruba. Dia 25 di mei di 1977 a marca un cuarto siglo cu Mgr. A. van der Veen Zeppenveldt (un arubiano por cierto) a bendicioná e kapel di Alto Vista solemnemente, unda cu esaki a ser reconstrui riba e fundeshi o mihor bisa caminda Domingo Antonio Silvestre kende na 1750 a traha e prome kapel di piedra.

Y mescos manera e promer kapel segun un declaracion di pader Paulus Algamesi mes, a wordu consagrá na Reina di Santísimo Rosario, asina e kapel di awor tambe ta dedica na Maria Reina di Santísimo Rosario.

Na 1943, e di tres aña di guerra mundial, pader A. Roghmans cu despues a bira pader di un hospital na Alemania, tabata e pastoor di Noord, joven ainda cu apenas 39 aña di edad, y un homber di sentimiento social y un curazon habri pa juventud (ohalá cu nos por tin mas di esakinan den e tempo turbulento aki pa juventud di awendia). Riba e pader su inicio a bin traha e Club Don Bosco, un centro social y juvenil di e parokia. E trabao a ser haci dor di difunto Wachi Tromp. Alto Vista a bira e sitio unda gruponan sa bai pasa un buitendag cu intencion especial pa bai busca e piso bieu di e kapel bieu. Yesun cu por a yuda nan y muestra nan e piso tabata Sra. Maria Eckmeyer y Faustina Britten ya cu nan tabata esnan mas costumbra cu Alto Vista. Ora cu nan a yega na e piso aki nan a topa cu un prenchi di La Virgen hinca den un bleki cu dos bela y un poco flor bibu como señal cu ainda hendenan ta bishita e lugar pa reza. Dia 24 di November di 1954 e imagen di La Virgen di Alto Vista a ser coroná den Wilhelmina Stadion cu un corona di oro dorná cu 78 piedranan precioso. Henter e pueblo arubano a contribui pa duna nan Mama su Corona. Pobernan cu no tabatin placa pa duna a ofrece nan renchi di casamento cu ta di oro y otro prendanan cu nan tin. E corona a pasa den un gira pa tur e parokianan y para tur diadomingo den un di nan. Valor di e corona tabata 4500 florin y a ser trahá dor di e artista Bob Anink di Blaricum, ruman di pader B. Anink, cu tabata pastoor di Noord di 1956 pa 1960. Dia 25 di Mei di 1957 Niño Jesús tambe a haya su corono di oro.

12 aña despues cu e kapel di Alto Vista a ser reconstrui nan a traha e transhi di piedra blanco cu tin rond di dje y nan a traha banki den su curá. Tur luna dia 25, miembronan di Confradia di La Virgen di Alto Vista tabata bishita e kapel y regularmente hende di tur parokia ta bay eynan pa reza y recomenda nan intencion nan. Durante e ultimo diez aña pastoor di Noord ta haci un sacrificio di misa den e kapel un biaha pa siman.